

յանձանձանա. և և այսպիսի քաղաքաւարութեամբ հասեալ 'ի խոր ծերութիւն հանգեաւ խաղաղութեամբ 'ի Քրիստոս 'ի և Մայիսի, (1853) 'ի հասակի 90 ամաց. զորոյ ըզմարմինն բարձեալ թաղեցին 'ի գաւիթ եկեղեցւոյ Սուրբ Փրկչի 'ի կարգս Պատրիարքաց. թողեալ յիշատակ եկեղեցւոյ զերիս հատոր գիրս կոչեցեալ Զանազանութիւն Հինդգարուց, համառօտ Պատմութիւն Հին և Նոր Կտակարանաց հանդերձ բարոյական յորդորանօք գրեալ 'ի բարբառ Տաճկաց, և զգիրս Թանգարան խրատու յոճ հայկական սրարդ բանիւ, համառօտեաց նաեւ զայլ գիրս և զմեկնութիւնս Ս. Գրոց՝ ձեռագիր. բաղում են գործք սորին, սյլ գոլով արտաքոյ նպատակի մերոյ՝ թողաք 'ի բաց:

Յերկրորդ ամի իշխանութեան Յովհաննու Պատրիարքի զարթեաւ խնդիրն Ս. Տեղեաց, և վէճ Լատինաց ընդ Յունաց: Քանզի Յովնէփ Վալերիայ Լատին Պատրիարքն երուսողէմի օժանդակ գտեալ զՏէրութիւնն Գաղղիոյ՝ խընդրէր 'ի Դրանէ Օսմանեան Պետութեան կորզել զմանս 'ի Ս. Տեղեաց 'ի ձեռաց Յունաց՝ և տալ Լատինաց, և պահանջը նոցին էին այսոքիկ. մեծ եկեղեցին Բեթղէհէմի դրամբք և բանալեօք, և մասն ինչ պարտիզօք յետուստ կողմանէ. եկեղեցին Ս. Աստուածածնի 'ի ձորն Գեթսէմանի՝ ուր է գերեզման նորին. տեղի Համբարձման Տեառն 'ի լեառն Զիթենեաց. Պատանատեղին. մեծ և փոքր դամբեթքն 'ի վերայ Գերեզմանին Քրիստոսի, և զեօթն կամարս Ս. Կուսին 'ի Ս. Յարութիւն, այլովքն հանդերձ: Իսկ Քիրիլլոս Պատրիարքն Յունաց առեալ 'ի թիկունս ըզկայսրն Ռուսաց զՆիկողայոս՝ ընդդէմ եկաց յամենայնի խնդրոց Լատինաց:

Եւ այս երկու հակակիր մարմինք յարուցեալ ընդդէմ միմեանց՝ չեղեւ հնար լինել իրաւախօհ 'ի միջի իւրեանց. եւ 'ի բազմանալ բանից և վիճմանց՝ Օգոստոսիառ Կայսրն Օսմանեան Սուլթան Մէճիտ Արքայ, կամեցեալ խաղաղել զնոսա և բառնալ զվէճն 'ի միջոյ, առաքեաց հրովարտական զմն յերեւելեաց Արքունի Դրան Աֆիֆ Պէյ յերուսողէմ, կարգաւորել անդ զխնդիրն: Եւ եղև 'ի հատանիլ հորս 'ի քաղաքն Սուրբ, կազմեցաւ ժողով մեծ 'ի Ս. Յարութիւն 'ի դահլճի Գերեզմանի Տեառն, ուր էին Պատուի-